

懷寧縣志卷之二十

知懷寧縣事 齊東王毓芳纂輯
署 上海趙梅

儒林 文苑

太史公傳儒林班固以下因之後漢書始有文苑傳自後儒林文苑判然兩途蓋末流之相去遠矣善乎元史之輯儒學曰經非文無以發明其旨趣文不本於六藝亦烏足謂之文哉懷舊志不列儒林而載理學以今考之殆多篤行人也茲取著成一書羽翼經傳者列之儒林以為詞人弁冕其績學綴文之士專工一藝不必盡通於經要以涵泳聖涯馳騁文囿就其至者庶

懷寧縣志 卷之二十 儒林

幾古作者之風餘亦相望後先蔚乎時秀矣志 儒林文苑

宋王日休懷寧人誨誘後進最為諄切自小兒叉手著衣祇揖入學寫字讀書治經閱史及作文字皆井井有條學者依賴焉稱為龍舒居士著有龍舒易解一卷春秋孫復解辨失一卷公羊辨失一卷左氏辨失一卷穀梁辨失一卷春秋名義一卷 俱見宋史 藝文志 又養賢錄模楷書行世祀鄉賢

明顏素字質卿自少講求性道毅然曰聖人可學而至也萬曆甲戌進士授中書舍人丁內艱再補原官不就家居幾二十年再起南大理歷尚寶卿仕至應天府丞

卒祀鄉賢素之學易簡直截以見性爲宗後皖之言理
學者大都出於素也素邃於易著有易研六卷見明史
藝文志
又雜詩文數卷書法道秀似魯公弟子王宗文字敬之
諸生亦知名

容若春歲貢生任徽州府訓導著有今易圖學心法釋

義十卷見明史
藝文志

國朝徐穀瑞原名穀少字展成父祖孺字述先諸生嗣
經緝史審音辨畫當世之博者罕及焉穀瑞中康熙戊
子舉人雍正間 上特恩親棟民牧臨軒召對敷陳剴
切 上悅 賜改今名授直隸文安知縣在任三年以
儒術飾吏事文安人至今思之著有四書圖考古學體
懷寧縣志 卷之二十 儒林
式考經史疑問孟子文法天文管見星學指南百家闢
謬方言訂訛字音辨畧帖括蒙求見聞隨筆誦芬堂詩
古文若干卷

楊家洙字東川歲貢生性樸訥績學植行少雄於文躡
唐宋諸大家之庭而闕其室苟投時好弗屑也晚獨研
究經義冥追心得不拘守傳註而闢然於易尤深著有
西樓易說十八卷既成致書於其友江氏濬源畧曰六
經惟易與春秋尤難治春秋程朱無成書四傳分行兼
歷代諸家解說終未灼見屬辭比事之真則折衷書法
爲難易得邵圖程朱傳義精深廣大冠絕古今然邵子
無註程傳理精而例疎本義亦爲朱子未及改正之書

故遺漏猶多又汨於羣儒之紛紜駁雜易道晦矣蓋嘗論之宋末元初諸儒去程朱未遠淵源有自而學漸膚故經數傳而其說愈差明以四書取士諸儒專精書理而後經學雖能墨守傳註而說經實不及元故自講章行而六經之理愈晦易與春秋尤甚焉某之抱憾於此久矣今易說幸已成集君向勉我以羽翼經傳作四聖功臣某敢言此哉亦庶幾闡其歸趣正其舛謬稍補程朱之所未備焉云爾後家洙歿十餘年江氏爲錄其易說貳之稍加裁節將以付梓未果書具存

汪德鉞字崇義年十三四健於文舉筆立就從舅氏楊家洙授易又從潛山張氏必剛質問經史生平篤好宋懷寧縣志

卷之二十

儒林

三

儒書積學砥行一以程朱爲宗俗學掎擊宋賢者德鉞大聲疾呼斥爲無忌憚之尤日與之相牴牾每稱說古今人物至夜分娓娓不倦急朋友難不惜身犯患苦爲拯全之遇人有過面加責讓後雖輒悔終不能改蓋其天性然也嘉慶丙辰進士改庶吉士散館補禮部精膳司主事遷儀制司員外郎保送御史充會典館總纂以譎字被議奪職旋請復需次銓部閉戶讀書日有劄記屢書懲忿窒欲四字自治益力雖夢寐中有不合義者必記以自責嘗兩上朱文正公珪書皆古大臣義文正甚重之所著七經及論語大學偶記十餘卷子史偶筆二卷語錄四卷家訓女範二卷古文辭制藝詩各二卷

又有周易集成論語講義詩經文字異同考三國志補注皆未成年六十一卒桐城姚氏鼐爲之志銘謂德鉞少稟承宋儒之言行已有恥深識天下事利病過義慷慨敢爲使其端行一方施於政事當亦有可觀者惜其仕與學皆未竟而身沒云

以上儒林

元馮三奇鄉貢進士元夫子授德安府教授至順初進士爲光山尹遷國史編修預修遼金宋三史擢國子助教累官儒林郎明丁相以歲貢入太學任順德府通判於書靡所不究尤長於詩所著有老女吟數十首以自况一時爭傳誦之

懷寧縣志

卷之二十

文苑

四

張湯成閉戶苦吟經年不出太守天水胡解任有老媪送至江干齋雞酒爲獻命諸生紀其事湯成作江頭老婦吟胡一見卽驚曰吾作士二年乃失一湯成令連進數十篇劇加稱賞

秦嘉禾字吾田諸生嘉隆間邑中最稱善書者也太守嘗過其廬嘉禾報以詩曰大龍山人發浩歌沽來一斗剩無多柴關忽報車聲住整理烏巾掃雀羅其高致可見矣

洪雲翼字望冶博洽工文詞萬厯中歲貢任浙江宣平知縣著能聲解組蕭然賣文自給

於國華副使惟一子博學工詩文書得晉唐遺法而於

魯公爲尤深其論屋漏痕折釵股俱極臻其妙

阮自華懷寧籍字堅之浙江巡撫鶚子萬厯戊戌進士
初授福建福州府推官再任江西饒州丁內艱服闋轉
戶部郎權稅德州著廉幹聲痛父鶚以罣誤奪官伏闕
陳情卒得昭雪予祭葬晉陝西慶陽知府慶陽古崆峒
地李夢陽故里也爲築室祀之作懷賢賦寓仰止焉崇
禎初再起福建邵武知府與利剔蠹不遺餘力亡何以
病乞休卒著有霧縠詩集行世自華博極羣書主盟騷
雅東海屠隆作四君子詩馮夢禎朱長春虞淳熙其一
則自華也又善草書人皆藏弄爲寶祀鄉賢

吳應鍾字幼元九歲能屬文垂髫卽貫穿全史從父口

懷寧縣志

卷之二十

文苑

五

授未嘗寓目也旣長與阮自華聯海門社肆力於古文
辭旁採汲冢諸書及秦漢家奇言非注目深思不能得
其句讀詩自大厯以下無取焉嘗過牛渚太白祠撫青
蓮背曰時無英雄君獨傲然千古耳萬厯庚子舉於鄉
卒年四十七祀鄉賢弟應鉉

吳應鉉字幼玉諸生爲文深穎勃宰理窟多苦思至竟
日含毫不倦尤深於詩晚年古樸奇崛不學步古人而
歸於自然有遺詩數卷尙存

高漸字進之抗厲希古敦孝砥節髫年母病篤稽首籲
天願以身代年十三補諸生卽優古文辭遠近徵求屢
滿戶外以選士入對高等判廣安鬱不得志歎曰丈夫

不入天祿石渠則邱壑自老耳檻猿籠鳥何爲哉擬淵明歸去來辭以見志投劾而歸孫必光亦博學著有澗山集經辨纂等書

程之魯字禹璜解州學正泰亨子博洽經史嘗應秋試主司因乾清宮災發策舉五行爲問之魯援引洪範傳並鴻烈諸說更出主司意表主司疑而置焉之魯益厭去帖括肆力於古文辭同邑阮自華序其詩以爲妍秀覃奇有雲浮波騰之致崇禎間歲貢授寧國府訓導教士以孝擢溫江教諭著文脊山房稿

諸銳郡廩生博學嗜古劉方伯尙志所嘗從學後置產結廬以酬師德里中豔稱之朱嗣英字天毓拔貢生讀懷寧縣志卷之二十 文苑 六 書一過不忘文采卓絕亦成就後學甚衆也子成修晉修俱以薦任知縣

阮之鏘字南阮崇禎時副貢爲人沉靜蘊藉澹然塵外詩文卓爾不羣尤工草書筆法峭肆同時程萬里字天池書與之鏘埒皆屢中副車爲士林所惜

容士賓字寅主諸生少穎異讀書日可數卷年甫髫賦四時歌行古韻可誦後益工長篇多至百餘韻無不奇縱幽異有荃園草詩集子爾謙諸生亦刻意力學蚤卒王國瞻字碩慰幼心朗性明目涉知義讀書斷自漢唐以上文務奇崛性簡淡不妄與人交崇禎戊辰選入南雍著作益富憂憤時事作六害詩以傷之鬱鬱而卒

汪必裕字如之邛州知州之達子幼有文譽及入蜀省親歷三峽登峩眉文益奇肆議者謂得山川之助云崇禎己卯舉於鄉後上公車以貧瘁卒於道

梁世祥字雍伯選貢授福建南靖知縣未至改霍山訓導精治六書工反切著有楚辭毛詩輯韻

蔣延祐字孔篤諸生讀書嗜古凡金石遺文蝌蚪文字窮力搜索至忘櫛沐崇禎丁丑以次應歲薦岸然弗顧隱虎澗以終

劉若寅字爾敬方伯尚志子諸生博學善屬文嘗避地金陵數年買舟歸皖泊鳩茲水落舟膠泥中若寅作詩投江夜半忽聞水聲潺潺舟移數里子餘謨進士

懷寧縣志

卷之二十

文苑

七

劉鍾嶽字長秀諸生力學嗜古爲文高古奇肆與同邑阮堅之輩結海門詩社著有百子花厂集

韓長世字克長恩貢生明季避地金陵歸隱於黃荻坂家無斗筭賦詩自若有竹堂詩集

國朝吳邦柱字公擎能讀諸史百家窮究原委崇禎間歲貢初任祁門訓導擢江西樂平知縣不就明季及國初郡縣志三與纂修當事者謂爲文獻云

吳廷楷字端儀諸生有至性祖某蟻敗其棺將改葬廷楷方童孺拊膺號泣家人異其生未識祖而傷慟過人也爲文根極理要出入經史郡邑前後以修志交聘居近子貢嶺自號貢溪年五十餘卒

董永吉字其旋諸生恬淡溫雅戊子譚將軍太過皖屢辟不就郡守姚琅聘修郡志工書畫見稱於時

程扶上諸生性孝友居喪哀毀遺產悉讓之昆季家徒四壁晏如也郡守李士楨聘修府志所著詩文甚富藏於家又劉材字篤公諸生湛於經史康熙癸丑與纂邑志

韓鼎應字象生諸生少負文采岸然不儕流俗乙酉城潰後棄舉子業構數椽於湖山間顏其居曰醉陶賦詩飲酒自樂以天年終

汪之順字禹行年十二補諸生有聲乙酉後棄舉子業歸隱梅湖肆力於詩學者稱梅湖先生有詩刪若干卷懷寧縣志

卷之二十

文苑

八

櫟園周亮工燈巖文德翼嘗爲序焉所爲詩高古醇厚最得漢魏遺意餘亦樸老追步少陵

咎茹穎字仲遂一字省雪中康熙丙子順天第二名舉人壬辰進士預纂子史精華授內閣撰文中書一時誥勅多出其手茹穎淹貫經史長於詩規撫少陵尤工潑墨作畫一松一菊一竹一石皆自寫其磊砢磅礴之致得之者什襲珍焉兄壽林字抱雪一字寶壑國子生官浙江會稽知縣時稱二咎詩文書畫爲入絕蓋並兄弟而稱之也

阮懋棠字召樹工部涵子諸生性亢爽讀書梅渚間二十年究心史學著有史哲史取讀史補論修如堂近稿

輯韻揀窮草諸集

方都鎬字周士諸生工詩亦精書法別構草亭雲峯下聽瀑尋雲有終焉之志著有草堂詩畧

曹天寵字夢潛諸生著有春秋三傳纂註兼明象緯之學崇禎間以家徙於鄉謂所親曰城內不可居也亡何左兵果叛皖城潰焉

程從大字子先歲貢生以母老不仕母卒廬墓著咏莊詩集後任穎州訓導子師恭字蜀材拔貢生十歲通五經喜著書有歷朝史斷韻府羣書及註釋陳檢討四六行世授四川永川知縣年老乞休卒子景渭康熙丁酉舉人

懷寧縣志

卷之二十

文苑

九

宣魯字紹曾康熙乙酉舉人善楷書爲時所珍著有寧山堂文稿荆山吳士玉序以行世

程畢臣字東釐七歲卽精小楷詩幽峭酷類郊島爲徐公乾學所賞卒年三十時論惜之何棐字篤侯亦蚤破著有來山堂詩集燈巖文德翼爲序之於穀字嘉禾諸生於書靡不涉覽然只取給爲詩著有窮愁集藏於家

劉餘璜字黃玉論德若宰子年十九贅於桐爲桐諸生生平落落寡合不喜與貴人顯者語讀書務求心得程朱之理皆能究其精蘊而口弗道也所爲詩不自收拾輒隨手散去子輝祖捷

劉輝祖字北固家貧少授經舅氏家寄籍桐城中康熙庚午第一名舉人時桐城方舟與其弟苞以文名天下輝祖及弟捷最與友善亦以有文章志行與齊名輝祖所著北固時文稿藕浦詩古文集四十卷後客廣東歸過江夏遇疾卒方氏苞爲作哀詞輝祖故名家子祖若宰明崇禎戊辰及第第一人輝祖舉鄉試第一及辛卯弟捷復舉第一宋明科目有三試皆第一者本朝初尙無有衆方以望輝祖捷安溪李文貞公光地典己丑會試偶聞中語及輝祖或曰噫死矣公爲太息者累日輝祖卒捷亦老得一科終己不遇

劉捷字古塘與同產兄輝祖並有聞寄籍江寧爲江寧懷寧縣志卷之二十 文苑 十

學諸生貌精悍少以雄豪自處短衣厲飾恥見者知爲儒生其爲行篤自信而不牽於衆文亦然有同姓名者武生大患鄉里督學邵嗣堯聞之而未察捷入試忽命榜笞數十已知其誤置其文四等衆大譁羣起而詬之邵一夕愧恨發疾死遂寧張公鵬翮督學江南招入使院有故人夜詣捷出千金爲其姻家請事捷曰不意君以此等待予年羹堯巡撫四川固請與偕議加賦力爭而止遂以他故行曰其心神外我矣能守吾言以期月耶及督川陝復固請以往再三見浹日而歸捷家甚貧僦屋窮巷無一畝之田以名在天下諸大府常不遠數千里厚幣招之歸解裝得數十百金遇親交隨手盡俄

而乏絕飢不得餐晏如也康熙辛卯中式第一名舉人磨勘停一科癸巳秋特行會試適其友方苞以南山集牽連編旗籍檄解妻子北上捷曰吾不可不偕行至京師試期已過後病且衰竟未一與禮部試年六十九卒著有古塘詩文集若干卷苞作四君子傳捷其一也及葬爲之誌銘

方都秦字百二諸生以詩古文名一時爲皖士雄長晚益嗜學棄明經不就伏處巖谷窮經著書以自娛有梅

溪文集六卷嶺雲詩集 卷康熙初與纂縣志 都秦有孔門出

妻辨舊載府縣藝文志按伯魚之母死期而猶哭父在爲母服期祥外無哭喪禮則然檀弓無出妻說也誤錄於穎達之疏矣子上之母死而不喪先儒謂出母卽生母不爲妻者明其厭於嫡也猶之王子母死請數月之

懷寧縣志 卷之二十 文苑 十一

喪爲欲終之而不可得云爾至子思之母死於衛則伯魚年五十而卒妻復改嫁耶則檀弓氏傳聞之誤焉出妻云者孔氏所必無之事不足深辨也

蔣生芝字鍾玉歲貢生任寶應訓導旋引疾歸結茅於皖口之獅嶺湖光山色四時謠詠翛然埃壒之表書畫鐫篆各臻佳妙而書尤得名諸官署祠廟碑版多出其手畫用焦墨皴而不染喜作枯木竹石瘦硬通神皆書之餘也歿後人得其片紙一抹珍如拱璧至市賈多方購求居之以獲厚利焉著有獅嶺草堂詩稿

汪宗周字瑤若御史游龍子歲貢生官江西德化縣訓導亦能詩不事雕琢真趣宛然著有敦好堂詩集

蔣瑤芝字素書晚號老容諸生家貧憤志讀書遂於經

學旁及老釋靡不通曉顧於時流少所許可又值兵燹之餘離黍與悲不樂仕進激昂慷慨之致往往見之於詩長篇短詠直追三唐尤以少陵爲宗善得其意趣同時足當唱和者惟汪之順宗周范又蠡數人而已瑤芝嘗謂自帖括盛而風雅衰皖人士尤習爲淺薄古文作者固少專家間有工詩又守其隅見習說如村謳牧唱借以適機終難脫俗卽或摹倣古人競趨浮響杳無神致而荒疎之流借眼前月露風雲故作迭宕至於咏史紀事敷陳典則論斷發揮則無措手又云學古人在精神不在字句必有一段不可磨滅處氣骨神理乃能逼真古人故曰法尙應捨何著夜光集五百餘首吳下故人將爲刻之會兵變不果三韓佟世思招往粵西有五嶺紀遊諸詩風骨道上勝其少作旅食六載竟歿於桂林韓寵字第七諸生明大叅一光後也母盛通經史能詩

懷寧縣志

卷之二十

文苑

十三

所作多事親相夫訓子勗婦之章人比之大家七誠寵詩清穩五律尤勝著有菊莊詩集

魯士清字啟我質穎力學少讀書一字不苟過人服其精貫而不知其敏也貧不能多置書每就肆取觀盡暗記焉雅好爲詩同時劉爾敬若寅白瑕仲瑜多與之唱和著有鸚林集卒年二十四

劉慶雯字喬三年十一作癡春賦數千言郊居雌霓讀著往往失音慶雯匿笑長者目之避去再讀並字不能識矣呼慶雯不至急檢字書盡一賦數十檢所爲五言雜詩論古有識山居詩幽邃不類人間語年十三病殤有半松軒遺詩二卷

金永字方思歲貢生早歲能文爲斯文襄公輔所賞官
上元訓導諄誨後進經指授者文章行誼悉有法度可
觀年八十餘卒永爲文有真氣清道古宕夔絕塵表詩
五言兼有孟襄陽之逸柳柳州之潔著黃葉村莊文集
八卷詩集二十四卷

康慶雲字燦斗乾隆戊辰進士任直隸深澤知縣卒年
三十有一慶雲善屬文隨所欲言意盡而止蓋得大蘇
之雄快著有制藝雜文若干首

朱衣點字繼伯諸生少負經世之志困居下訖不得施
遇縣有大事輒發憤爲民請命諸有益於民者自忘其
身之賤而有痛乎其言也康熙癸酉某郡大飢民流入

懷寧縣志

卷之二十

文苑

三

懷境者千餘人臬使某將下令逐之衣點爲上書言狀

畧曰嗟哉噫嘻某郡凶荒民鮮粒食男婦老幼轉徙異
國披雪踐冰求衣求食躑躅沿門慘無人色骨肉失伴
孤憐迷路臨風帝號漂泊誰主日月慘照平沙斷莽青
燐堪火照影酸楚屍委長干不可識別病者哭泣踣地
欲絕路人嘆息束手無策欣逢仁人在位視民如子哀
恤流亡給衣錢米幾死得甦言更起傳聞令下迫歸
故里竊念流離乞食日夜愁苦呼天不應急呼父母那
堪隆冬歲盡雨雪紛披長途凍滑衰病相持委蛇顛
計無復之縱挈裹糧數日告罄仍舊饑餓水枯村冷農
樵窮苦分餐無人孤寺野衲深坐閉關誰許憩息郊
日落露宿風栖林黑鬼嘯夢魂驚悸河橋冰霜倦憊四
滯四望淒切不知東西煙斜霧昏將安適歸向誰哀
定斃道路父母妻子不能相顧旅魄羈魂向誰哀訴何
况故鄉粒絕是以播散卒歲強歸命於何寄若使散亂
乞食紛擾四方懷市清靜鄰郡被殃甚至一切官府倍
加憎怒人心薄惡無地容處途窮命畢皇穹垂泣嗟哉
噫嘻天災流行何國蔑有林林總總皆吾赤子近者戴
澤遠者望恩來者宜憫去者當安大則請粟小捐俸錢
已饑已溺命命相關伏乞加意撫綏予之生路溝壑之
餘勿忍驅逐並諄諭所屬郡縣分恤民艱緣力補助則

遐邇沾危各得免逐雍正丙午歲飢中丞魏公請賑於
有倚賴矣 朝衣黥復上便民六策議多可採著有養元集一卷藏
於家

戴齡字鶴年諸生勤苦嗜學汎覽諸子百家一室丹鉛
終老不輟憤俗學治經但取供舉業因輯儒先傳說附
辨論焉有周易辨占集解六卷麟經解略四卷

黎雨稼字耕書諸生書畫並入能品詩蒼潔幽秀於五
古尤長著有雲松書塢自長吟等集弟漆字超顏一字
渭北諸生亦能詩著榆門詩集

鄭道明字希濂副貢生敦篤好古晚嬰足疾益究心宋
儒之學貫串經史有得輒記成帙年七十鑽研弗衰著
懷寧縣志 卷之二十 文苑 古

有續箋山房集錄十餘卷乾隆四十 年開四庫全書
館丁給諫田樹以其書上得列子部提要稱其於宋儒
寸寸尺尺惟恐有一毫之不似焉

陳從王字非穎幼失怙哀毀如成人事大母及母盡孝
家貧授徒於外忽中夜心動遽奔歸而母果病內無昆
弟惟妹二人友愛甚篤嘗從望溪方氏苞授古文學方

氏嘆謂敦實行能文章如陳生者殆不多得乾隆庚午
舉人官嘉定縣教諭

丁田樹字晉占乾隆辛未進士改庶吉士授職編修歷
河南山東道御史有聲壬午科四川副考官擢禮科給
事中巡視中城因事左遷選兵部主事游升郎中引疾

歸主講大梁書院卒於汴著粵遊蜀遊北遊等草又館閣詩賦十餘冊制藝早得名上江有七子文鈔田樹其一也

王大冇字軼賢穎敏善屬文一日可十數藝少時以七藝補諸生乾隆庚午鄉試五藝中式辛未會試取第六進呈上閱其二場經文二十藝嘆爲長才疑有弊置之旋考取教習選江南東台知縣因母疾未就而卒

張法可字袖山乾隆丙戌進士父歿時法可甫五齡母楊泣於帷輒跪而請曰有兒在母何悲之甚聞者皆爲隕涕及長能以友愛弟兄遂其孝養植學有文名與同邑徐世錦楊全蘊魯琢稱皖江四子弟時可字寶山諸

懷寧縣志

卷之二十

文苑

五

生亦能文稱張氏二山

張致字虎人雪鴻其號也父若谷官山東嶧縣知縣致兄弟並有才名致以書數以文致以畫時人呼爲三絕寄籍歷城致中乾隆壬午舉人任湖北房縣知縣大府重致名以之攝江夏令三閱月不耐走謁忽數日匿不出遣覘之則方據一席伸紙作畫傲睨不知有人大府怒檄歸房尋以寄籍故罷官房縣民走千里詣大府乞留竟坐前謾已弗省救拔貢生數乾隆丙戌進士

李勉字嘯村諸生兄荃字佩湘乾隆戊午舉人著有偶一詩勉生而穎異總角應童子試輒冠一軍詩义手立成如不經意而新警雋拔無一字拾人牙慧督學俞公

按皖試春江詩筆不停揮成七言律三十首俞大驚有國士之目客遊金陵維揚間數十年當道重其才爭禮之然卒落拓無所遇勉亦不以非分干人雍正乙卯試博學鴻詞兩淮都轉盧氏見會以勉名薦爲學使者放歸乾隆辛未 上南巡召試 賜宮緞及內造鍼黹等物勉嘗登燕子磯絕句云年年高卧非關懶許大江南沒處飛蓋自傷老且窮也勉工於近體不爲古詩有嘯村近體詩三卷盧爲鈇板序之

黃浩浩字嘯江性不耐爲制舉文或勸應童子試詩輒工而文被黜再試自寫詩於卷首又格功令見擯遂棄去所爲詩不樂示人每一篇成輒焚其稿既歿友人魯懷寧縣志 卷之二十 文苑 十六 琢爲搜其散佚者刻有綠蘿館遺詩

江臚元字嘯酣國子生善書畫能詩與李嘯村勉黃嘯江浩浩齊名時稱爲皖江三嘯著有適性編太史軒轅誥爲之贊

范宗河字見龍歲貢生父建機諸生有孝行親歿廬墓哀毀子四宗淮宗河宗漢宗海俱有文名時謂之范氏四龍宗淮字西來諸生宗河性高介於世俗落落然文清潔簡貴畧似羅文止而不失之蹇澁朗雋故有餘也遺稿數十篇尙存宗漢字赤龍諸生宗海字滄龍歲貢生工駢體文

路一清字田見副貢生敏資嗜學爲文不屑屑於規仿

著有澄溪遺稿三卷制藝存者數十篇卒年三十二以子華仕贈奉政大夫

魯琢字研山乾隆丙子舉人授雲南浪穹知縣以病歸改任鳳陽府訓導琢爲文出入經史詩開宕有氣不拘一格而能兼用所長著有南莊文鈔八卷詩鈔十四卷又執經記八卷強識錄四卷格致邇言四卷如圃詩話林下清談各若干卷所選皖中詩略搜輯散亡堪備一邑文獻弟墳字七衡恩貢生詩亦見琢之亞沈宗伯德潛稱其清和古澹漸幾自然袁簡齋枚亦謂星村嘯村爲皖詩人表著者嘯村則李薊星村墳號也著有星村詩鈔管窺集瑣事合編又工書善墨蘭

懷寧縣志

卷之二十

文苑

七

徐世錦字肇杓乾隆壬辰進士績學工文以母老不仕釋褐後仍授徒自給爲塾師以老著周禮綜讀大易括言等書弟世銘字敬之攻苦強記亦有文乾隆癸卯舉人

翁立準字愚亭乾隆乙未進士母老不就銓選或勸之仕則曰古人不以三公易一日之養秣陵三品縣亦不必爲况七品官耶主講蕪湖書院數年多所成就立準內行惇篤而遇事倜儻有才其爲文清華流美無世俗氣非同輩諸子所及也著有愚亭詩文鈔數卷

趙有容字振翰幼英異從其祖父嶽麓讀書能盡傳其業初應童子試邑令陳佃儀甚器愛之補諸生以貧授

徒館於廣村楊氏者數十載其爲文始則恣肆汪洋風泉湧發繼乃漱滌渣滓進求雅醇而益厚之以根源道之以魄力晚兼怡情題咏每有所作酷學盛唐諸家以謂取法乎上祇得其中溫李以下弗善也著有涵齋詩文集

段堂字學瞻乾隆辛卯舉人曾祖爽字菊思歲貢生任當塗教諭有能寺堂性恬靜好讀書其爲文不矜才務奇優柔平中首尾綿密有體家故寒素田無數畝所資生徒修脯而已自公車數上家益貧戚某官廣東堂往告助冀得貲再赴禮部試一決不獲售則鍵戶作經生師老焉去數月歸中道而歿

懷寧縣志

卷之二十

文苑

六

方達字澗泉乾隆甲午舉人篤學嗜古每冬夜讀書寒甚足踏鹿盧以自溫早喪母事繼母芮以孝聞芮或怒諸弟必達請乃解歲得館穀以贍諸弟饘粥并以佐遊宦資撫羣姪有恩及翁氏孤甥皆親授之學達通貫經義但以資生徒講授不自著書文多里閭應酬之作困於無所用其才然至其工者則亦彬彬雅可誦也晚有目疾絕意進取其弟子多掇科第仕至大官云著有竹圃文集

孟非龔字連城兩中副車有異才能記九經註疏一日爲文數篇他人文敏者多平易孟則每藝輒勝貌骯髒不修飾健飲啖年五十餘感風疾歿文稿散佚得者每

秘藏之

汪潛字爰六諸生少有才名閔公鶚元爲臬使時扁廳試士士納卷畢漏三下潛猶大呼索燭閔公怒使視其卷才字數行耳姑予之比天明守門吏喃喃罵之始出榜發名第一往謁公公迎笑曰半夜叫呼狂生無狀吾意贈之以掌今文乃奇橫如是他人十晝夜弗能爲也大爲之激賞後年二十餘而歿

余鵬飛字伯扶乾隆丙午舉人與弟鵬翀並以才名幼從祖崙遊宦常州爲沈宗伯德潛儲宗丞麟趾所器重並受知於督學朱公筠鵬飛貌清癯工詩善畫豪於酒所至以酒自隨家貧遊幕四方得金錢隨手輒盡年四

懷寧縣志

卷之二十

文苑

十九

十餘卒所爲詩渾脫瀏漓一往駿利出入於高季迪何大復之間著有飲江光閣詩鈔十餘卷

余鵬翀字少雲諸生甫五歲縱讀經史百子上口不忘間務博覽爲詞章出語必驚人稍長往來河洛關隴間遊覽有作至京師朱公筠出以示人曰讀萬卷書行萬里路貧賤依人能自樹立不意得之弱冠一時大人先生交口讚譽爭欲致之門下然鵬翀終未嘗輕投一刺以爲聲援愈以此取重廷尉某公延纂一統志纂修官某亦老宿舊有名每修書上中多沿誤地理故蹟尤甚鵬翀痛加勘訂書獲完善固以結怨於纂修者且膺衆嫉尋復以京兆試報罷慨然曰半世章縫事可知歸爲

得也因別號息六以見志卒年僅二十有八鵬翀詩以格勝落筆多仙語鬼語詞學白石東坡稼軒小令偶仿秦學士畫工水墨山水王尙書昶謂近世毛進士董上舍皆以畫名京師獨鵬翀別饒書卷著有韓文公文集編年考喪大禮考息六齋文集四卷詞曲遺稿二卷江景綸字韻清乾隆己酉舉人自幼疑重屏紉於營經史性理務切究所以然之蘊從疑入悟若有牖之者然稍長爲文已能驚其鄉先輩楊東川家洙嘗評其文以爲安帖排奭獨往獨來魯研山琢曰昂昂若千里之駒蹀躞騰上下視餘子皆執鞭者也張春圃振珂曰文至此乎母乃虧損魄力搖蕩心精乎卒年三十有三所著

懷寧縣志

卷之二十

文苑

三

經畬文稿多散佚存者尙數十篇

劉家埭字若冲諸生少從望江曹京學殫力於古不屑屑世俗之文京嘗以國士目之性孤澹晚絕人事閉一室終日著書自娛歿無子所著盡散亡獨制藝數十篇里塾傳誦

楊名昇字東有嘉慶丙辰進士己未殿試授刑部主事勤慎有治聲擢湖廣司郎中記名御史出爲貴州安順府知府未至任卒名昇嗜學工制舉文自爲諸生試輒冠其曹又善教人仕京師生徒就之講學課文輒掇科以去著有賜谷制義若干篇

潘鏜字蘭如諸生有詩名游江淮間與亳州刺史李廷

儀滁州詩人張葆光相唱和有晉希堂詩集二卷勞崇
煦字竹如諸生從鏌學詩名亞於鏌而清氣非鏌所及
著有壽樗詩稿

查振字鐵崖國子生九歲能屬文貌清而體癯好苦吟
復豪於飲年二十一以療疾歿桐城姚氏鼐稱其五七
言極有清韻陽湖惲敬亦謂振詩在潘瑛伯仲之間而
年以不永爲可惜云

以上
文苑

懷寧縣志

卷之二十

文苑

三

